

Ассаламу аьлайкум, дустал

ХХЯХЖА БАРГЪ

Лакрал райондалул кказит. Ита бакълай 100-сса шин.

12+

«ЗАРЯ»

Нюжмар
23 июнь
2023 ш.

№27 (9448)

www.zaria-online.ru
gazetazary@mail.ru

Хъама дитан къабучлисса дягъулул къини

1941 шинал июндадул 22-ний, дакъаврил къутигу зия дурну, фашистурал Германия лавмартну ххяххссар кюрххила жула билаятрайн. Дяъви баянгу къабувну, душманнал самолетру бомбарду бичлан диркун дур жула муххал ххулурдайн, аьралуннал базардайн, шагъурдайн, аэропорттигайн, баргъла гавал чулухсса цала дазуйн - Украиннаву, Белоруссиянаву, Прибалтиканаву...

Так ссят 5 ва 30 минут шайхту, фашистал гъужум бувну най ссят ва дачи ларгун махъ, Московливсса Германиянал посол Шуленбурглул цала хлукуматрал цлания баян бувну бур, Совет Союзрайн цивппа дявинулцал най бушиву.

Му чумалнин Германиянал цала ххяшпулун лавсун бивкиссар ва фашистурал чулухун лавгун бивкиссар Италия, Румыния, Финляндия, Венгрия, Словакия. Цахъи махъ миннал чулухун лавгссар Норвегиягу. Мунин бувну, Шала дунияллул килчинмур дяъви байбивхушиврун ккалли байссар 1939 шинал. А 1941 шинал июндадул 22-ний байбивхуссар Буттал кланттул цланиясса Хъунмасса дяъви.

1418 къини ва хъху хъуссар му дяъви буллай. Дяъвилей ливтлусса цала дунияллул аьралуннава 40% бивкиссар СССР-данул инсантал - цинявгу 26,8 миллион инсантурал. Минная 8,7 млн. инсантурал жанну харж дурссар талатавурттаву, 7,42млн. инсантурал фашистурал бухлаган бувссар цала клунтихъхун ларссса аьрщарай, 4,1млн. инсантурал ливтлуссар миккува, захлатсса шартру духлан къабюхълай, 5,3млн. гъан бувссар зузи бан Германиянавун (миннаяту зана хъуссар анжягъ 2,5млн.) Ясирну багънугу ливтлуссар 2,16 миллион инсантурал.

Хисав-ккал дурну, яла члявусса совет аьралуннал жанну харж хъуну дур дявинул байбихулий: 1941 шинал июндадул 22-ния 1942 шинал ноябрданул 1-нин бияннинсса ппурттуву. Му ппурттуву ливтлуниннан цивхууссарив, ми



чув бувчун буссарив - цичлав къаклулну ливчун буссар, жула аьрал фашистурал хъхъичи бавкъуну, махъунмай най бивкунтгий.

Мукъра шинал мутталей фашистурал ппив дурссар жула 1700-хъул мюрши-хъунисса шагъурду, 70 азарунния лирчусса шярваллурду ва шархъив. 1941 шинал диркисса арцул багърай инсантуран ва жула паччахлулгъран зарал хъуну бур сайки 700 миллиард къурушрансса.

Ва къини паччахлулгърал ттугъру ялавай ита-

бакъайссар, бялахъансса давуртту къадайссар я телевидениелий, я радиолий, я культуралул учреждениерттай. Бияйссар дяъвилия зана къавхъуминнан дурсса гъайкаллачлан.

Гъарца кланай щала Аьрасатнаву ссят 12 ва 15 минутраву ца минутрайсса циняв къабагъантлуссар. Аьрасатнавусса гъарца кулпатраву хлурмат байссар ялун нанисса никиртгал цланий цала жанну харж дурну, Ххувшаву ларссса хъама къабитайсса жула буттахъан ва ттаттахъан.

Юристнал кумаг аьркин хъунан

Члалачисса куццуй, билаятрай цлак хъанай, ххутавун дагълай дур къамул дурсса законну, чляру хъанай дур цуну къамул дурмигу. Мунияту гъарца инсан чансса бухъурчагу миннуя хавар буну, мяъна дурчлай занакъулу хъанан багълай бур.

Амма къачансса хъуна бакъай бугъарасса, законнал куртнинун буххан, цала ихтиярду клул дан балжину къабюхълахъими, ягу мукунсса кашидакъами. Му члумал аьркин хъанай бур хладур хъусса юристнал кумаг.

Юристшиврул ларайсса клулшивуртту ларссса, закондалул тлайласса бувчлин баву дансса ва аьркиннан кумаг бан хла-

дурсса юрист, С.Аьлиев зий ур райондалул агъалий социальныйну бурччаврилсса буллалисса центрдаий.

Мюхтажшиву думиннаща бюхълай бур цанма тлайласса маслихат, кумаг муная ласун.

Зун члалачисса сура трай С. Аьлиев юридический бувчлин баву дуллай ур члявусса оьрчал ппу Г. Рамазановлун.



СВО

Цалчин лавгминнал къюкълуву!

Махъппурттуву ялу-ялун члявусса клул хъанай, отпускардай буклай, ккаклай бур Украиннаву хасъсса операциялуву гуртту хъанахъими.

Миннан ккаккан дурсса къайдали бигъалагансса каша дириллай буклай бур цала-цала минардайн.

Ва базилух на хъунаавкъра, 2022 шинал февральданул 24-ния шихунмай Украиннай хасъсса дяъвилул операциялуву гуртту хъанахъисса, **Аьбдурашидов Аьлишал.**

Му Гъумукун увкун ур цала маччачув, аьралий комиссар Хласан Массуевлучлан.

Аь.Аьбдурашидовлул укун бувсунни цала оьрмулул цаппара иширттая:

-На увссара, хъуна хъуссара Нефtekумскалал райондалийсса Бакрислив. Ппу Агуллул райондалий, нину 2-мур Цлуквкратуссар. Бакрислив 10 класс къуртал байхту, аьралий къуллугъ буллан нясив хъуна Москоулул областьрай, Подольск райондалий. Микку шин



ва дачинний къуллугъ бувссар. Яла контракт чирчуну зун ивкйра Буденовск шагърулийсса 205-мур мотострелковый

бригадалуву 12 шинай. Хъирив Чачаннаву Ханкалалей 2005 шинай айивхъуну аьралий къуллугърай уссияв. Ялагу 2014 шинал цунилу лавгра гава бригадалувун ва хлакынусса къинигу муниву ура. Къатта -къушгу Буденовскалий бур. СВО байбишайхтува (24.02.2022ш.) лавгссара Украиннавун.

Цал 5 гъантлийсса отпуск буллауна, ва базилух 15 гъантлийсса буллунни.

Хлакынусса къини Херсоннай, Цлусса Каховкалий ура.

Хъунама сержантнал чин дур цалсса. Кулпатраву хъуни хъанай бур ца оьрчи ва ца душ.

Хъазам цукунсса наградарттал чюлу буллай бур увкукун, мунал лархсса янналий ххал хъунни паччахлулгърал бахшишну хъанахъисса, Георгий Жуковлул цланийсса орден, «За боевые отличия» ва «За отвагу» медаллу.

Ялагу цаятува буслай, Аьлил кичи бунни цува штабрал машина БТР-данул

(Ахир 2 лаж.)

Т1абиаьтрал баларду


Бивсса зараллал хъирив лаян

Жунма к1улсса куццуй, Республикалул цайми районнай кунма, вай гъантрай ларч1сса ч1явхъа гъараллал, бивчусса мик1ирал хъунисса зараллу биян бунни багъирдан, лухччан, ххуллурдан, социал объектирдан ва м.ц. Хъиннува хъунисса мик1ру бивчунни Гъунч1укъат1рал, Карашрал, Аьхъардал мах1лардайн, Гъумукун.

Вай т1абиаьтрал балардал цуманан, ссан циксса зараллу биян бивну буририв хъирив лаян, 19 июньдалий райондалин увк1уна РД-лул шярваллил хозяйстволул министрнал

заместитель Зураб Кучаев. Му РД-лул бак1чи Сергей Меликовлул т1айла увккун ия Лакрал ва Ккуллал районнай гъарал -мик1ирая бивсса зараллу ххал бан, зараллал кымат цуксса буририв ххал бан яла гихунмай зарал хъуминнан кумагру баврил ц1аний.

Зурабул мукума, сукку бунни райондалий шярваллил хозяйство хъхъич1уннай даврил масъалартту. Мунащал хъунабавкьунни райондалул ШХУ-лул начальник Макъсуд Къадиев, ГО.ЧС-рал начальник Надир Х1асанов, Лакрал ва Ккуллал районнал администрациярдал вакилтал ва м.ц.



МВДлул «Лакский» МО

Велосипедрай ссур буллан ччарча

Гъвалул тагъар гъели шайхту, каникулал ч1умал жагилтурал, оьрч1ал хъунмур ч1ун кьат1ув, бигъа лаглай гъан дай, ч1яву шай велосипед дачин дувулт.

Мяйжанссар, велосипедирттай ссур баву т1ааьнсса, гъирайайсса масъала бур... Амма, хъама битан кьабуч1ир, миннуй бачавриву дуруччинсса низам душиву, мунийхч1ин ц1уллушиврун, цайминнан зарал хъун кьабитан аьркиншиву.

Мунияту велосипедчитуран к1улу диклан аьркинссар ххуллурдайх бачаврил низам (ПДД). Миннущал дувс хъун хъунмасса зах1мат къашайссар. Амма, к1ул хъурча зул оьрмулун зарал шаву, апат1 шаву кьахъунт1иссар.

Дак1нийн бутан, велосипедирттай бачаврил низам оьрч1ан дакъассагу, ниттибуттахъангу к1улу диклан аьркинссар. Цанчирча, ни-

зам зия дарча, ц1уллушиврун зарал биян баву, апат1 шаврищал, уголовный жаваб дулун багъайссар.

Велосипедистурал, ххуллурдайх бачаврил низам лахъхъаврищал, ми дуруччингу аьркинссар.

Хъхъич1ива хъхъич1, к1улу би-клан аьркинссар, велосипед транспортрал ца жура хъанахъиссарив, ягу кьахъанахъиссарив, цува ведосипедрай щяивк1ма ххуллурдайх бачултрал кьюкълувун агъагъиссарив (участник дорожного движения). Вай суаллан жаваб дулайссар Аьрасат Федерациялул ххуллурдайх бачаврил Низамрал 1,2 пунктрал.

Велосипед дур транспортрал средство 2 колесо бусса, дачин дайссар бьовч1унби-

шултрал гужрайну. Бюхъайссар му электродвигательданул кумаграйнугу дачиндан, анжагъ мунил гуж 0,25 кВт-раяр ххишаласса би-клан кьабуч1иссар, мунил

Велосипедист является водителем транспортного средства

Поэтому к нему предъявляются такие же требования, как и к любому водителю транспортного средства.



цила биялалйну ссятрай 25 км.раляяр ххишала кьадансса скоростърайн дутайссар.

Х1асил, велосипед хъанахъиссар ххуллурдайх бачултрал ца гьуртучи, аьркинссар ххуллурдайх бачаврил Низам дуруччан

Цалчин лавгминнал кьюкълуву!

(Дайдихъу 1 лаж.)

водитель -электрик хъанахъишиву.

Бувч1ин бунни, гъарца талаталан лич1и -лич1исса ярагъру ишла бан к1улу, яла -яла жард кьаувкуну, сивсуну, ццах бакъа гъана-виххи кьавхъуну иклан аьркиншиву. Цанна бахшищру дулун лайкь хъушиву душманнал ц1у дирхъуну, битлатисса ч1умуву ц1а дан лайкьсса, аьркинсса куццуйсса давуртту дурнут1ий.

Бувсунни цува талатисса кланттай ч1явуми дагъусттанлултал бушиву, миннавухва -лагу. Кьучагъну талай

бушиву. Аьскар гъарца аьркинмунил щаллу байшиву.

Хасан Массуевлул ххи бунни Аьли Аьбдурашидов армиялингу, мичча увк1ун махъ контракт чичин, аьралуннаву кьуллугъ буллан Лакрал аьралий комиссариатрай т1айла увккун ивк1шиву. Цалчинсса контрактрал ч1ун кьуртал шайхту ц1унилгу хушрай лахъи дуршиву, сивсусса аьралийчу ушиву ва м.ц.

Вай гъантрай Аьли махъунай талан лавгунни. Дъавигу кьуртал хъуну, сагъсалматну шавай увк1ун ккакканнав.

М.Мусалаев.



ккаккан дурсса кьайдалий.

Ххуллурдайх бачаврил Низамрал 24мур бак1.

Ва 24мур бак1рал ккаккан дуллалиссар велосипедру, мопедру дачин даврил ялун ххисса т1алавшинну.

Дуссарив велосипедистурал оьрмулуц1ун дарх1усса кьадагъа? Дуссар.

Оьрмулул 7 шин хъуннинсса велосипедистуран буч1иссар велосипедрай ссур буллан анжагъ тротуардайх ва велосипедрал ххуллурдайх, мукунма, бахътагъалтрал зоналул лагурий.

7-14 шин хъуннинсса велосипедистуран - буч1иссар тротуардайх, велосипедирттал, велосипедистурал ххуллурдайх ягу велосипедистурал полосалих бачин.

14 шиня ливчуминнан - буч1иссар велосипедирттал, велосипедный ххуллурдайх ягу пешеходтурал зонардал лагурийх бачаван.

14 шиня ливчусса велосипедистуран, мукунма, буч1иссар ишласса ххуллул урч1амур чулухух бачин, агар велосипедистурал, велосипедистурал ххуллу, велосипедистурал полоса бакъахъурча. Велосипедрал утташиву 1 м. хъуннасса дакъахъурча.

Ххуллул чулухух бачин буч1иссар, агар велосипедистурал, велосипедистурал ххуллу, ягу полоса бакъахъурча.

Тротуардайх бачин буч1иссар, агар велосипедистурал, велосипедистурал ххуллу, ягу миннал полоса бакъахъурча, ягу миннуйх бачин кьадагъа дурну дурхъурча.


7 шин хъуннинсса велосипедист сопроводатъ уллай ухъурча цама велосипедистнал хасъсса клану буну (дополнительное сиденье), ягу велоколяскалий, ягу мунисса прицеп дурхъурча.

Вай правилартту ишла кьадуллалисса велосипедистал танмих1рахун багъайссар.

ГО, ЧС

Аьрщи сукку хьусса ч1умал...

Аьрщи сукку хьун буюхайшиву баян барча, гьанавах-хьун къабуч1иссар. Къатрава къат1ув букканнин, цал аьркинссар ток лещан, газ лакьин, к1инттул лавхъсса пач бухурча (т1аннуу ягу хьурч1уй), му лещан бан. Оьрч1айгу, зуйрагу лаххан аьркинссар ч1умух бурувгсса янна. Мудан х1адурну, ца к1анай цач1у бивхьуну битаван аьркинссар зула документру, ялун лаххансса янна цинян-нансса ва дукия.



Къатрава къат1ув буккайх-ту, аьркинссар ч1ирттая арх хьуну бацлан, гьартасса к1ан-найн буккан. Аьрщи сукку хьурча хар-хавар бакъа, ца-куну, къатрава къат1ув бук-кан буюхлай бакъахурча, му ч1умал бацлан аьркинссар нузру, хьулурду бусса к1анай, ялун цичлар къалекеан, ягу къат1ул мурц1уу. Аьрщи сукку хьанахъаву дац1айх-ту т1урча, анаварну къат1ув буккан аьркинссар.

Зува даврий зий бусса

ч1умал аьрщи сукку хьанай дайдиширча, анаварну даву-гу къадиртун, токгу лещуну чарабакъа аьркинмургу хьап куну ларсун, къат1ув буккан аьркинссар.

Ттучандалий, кинотеат-рдануву, мукумасса цамур к1анай бухурчарив анавар мабуккари мичча ливхьун, шапнай буххан. Цал вич1и дшара ци баян байрив, МЧС-рал укумур булувару. Зунма бак1равун бувхмур мабаванни.

К1улну бик1ан аьркинссар цама инсаннан кумаг бангу. Зушава къат1ув буккан 15-20 секундрал мутталий къа-буюхъант1ий бухурча, зува чув бацлан, чун буххансса-рив к1улну бик1ан аьркинс-сар. Лахъсса этажирттайсса къат1уву бухурча, лифтрай ялавай буч1лан, ч1авахьулт-тайх къат1ув т1анк1а т1ун къабуч1иссар.

Оьрч1ру школалий дар-сирдай бусса ч1умал аьрщи сукку хьурча, аьркинссар столданул лув буххан. Аьр-щи сукку хьанахъаву да-

ц1айхту - анаварну къат1ув буккан.

Махъсса зурдардий жула республикалий аьрщи к1ий-ла -шамила сукку хьунни. Муни буну, агъалинан лич1лудну бик1ан аьркинну бур. Балаллуя буруччиннав цинья!

Н.Х1асанов,
райондалул ГО, ЧС, ПБ-
рал ва ЕДДС-рал
начальник.

Ц1усса законну (Июнь зуруй гужравун духлахисса законну

**НДФЛ ЦАЛЧИН
ДИЧЛАНТИССАР
РЕГИОНДАЛУЛ
БЮДЖЕТРАВУН**

НДФЛ хьхьич1а-хьхьич1 лиххан дуллат1иссар нало-гирттал аьмсса х1акълия, регионнал ва кланттул бюд-жетириравун дичлай.

Закондалул щаллу дан-тиссар арцу регионайн цила ч1умал дуч1аву, касса-лул харжлугъ дялич1ан дан-гу къадитант1иссар.
**ГРАЖДАНСКИЙ
ОБОРОНАЛУЛ
Т1АЛАВШИННАССА
ПРОДУКЦИЯЛУЛ
ЯЛУВ ПАЧЧАХ1ЛУГЪ
ДАЦ1АВУ.**

Аьрасатгал МЧС ялув да-ц1ант1иссар Евразиянал ма-

эшатрал союзрал (Евразий-ский экономический союз) техрегламентрал стандартру гражданский обороналул т1алавшиннан ишла данса продукциялун дуручла-чаврил, мукунна -мукунна лялич1исса тагьар духлаган дан ишла дансса продукци-ялул.

**ВЕЙПРУ ВА КАЛЪЯН-
НУ ДАХХАЙНИ
ССУССУКЪУШИВУР-
ТТУ ДАВУ**

Никотин бусса продукция ишла дайсса затру дахланса ихтияр диклант1иссар анжагъ ттучаннаву ва павиль-оннаву. Къадагъа дирхьус-сар ми дахлан ярмаркардай, выставкардай, автоматру ишла буну ягу манзилда-

ний.

Мукунна закондалул къадагъа дирхьунни ка-льянну ва никотин бусса продукция ишла дайсса затру машлул кланттурдай т1ирт1уну дихьлан ва ккак-кан дуллан.

**БИОМЕТРИЯЛУЛ
Х1УЧЧАРДУ БАТ1ЛАН
РЯЗИ КЪАШАВУ**

МФЦ-лийхч1ин рязи къа-хьун буч1и хьанахъиссар инсантурал биометриялул х1уччарду бат1лан, ми ца буссарив к1ул байсса. Ягу хьхьич1 булуну бивк1сса рязи къахьанахъисса аьрза махьунмай ласун.

Биометриялул х1уч-чарду аьркин шайссар инсантал цаппара орга-низациярдайн буххайни. Мукунна организациярду дик1ан буюхайсар, ми-салдаран, мюхчаншиврул промышленностьрал пред-приятиртту ва мукунна цаймигу.

(Гихуннайгу дуссар).

МВД-лул Лакрал отдел

Оперативно - профилактикалул давуртту дурссар

Оьрч1ру тарбия баврил масъала ц1ана ккалли буллай бур циняннан ца яла агъаммур масъала-ну. Му масъалалуха зий, х1арачат буллан аьркинну бур жяматрал сакиншин-нарду, федерациялул, республикалул ва рай-ондалул идарарттугу. Му ишираву балугъравун къабивминнал оьрмурду-гу, ц1уллушивугу дуруч-чаву - полициялул ца яла хьхьич1унмур мурадри.

Муниц1ун бавх1уну, Дагъусттан Республика-лул виваллил иширтталсса байсса Министерстволул гьашину майрал 16-ний буну бивк1сса амрулин буну, июньдалул 1-ния 10-нин бияннин Лакрал рай-ондалий, республикалул циняр районнай ва шагь-рурдай кунма, дурссар опе-ративно -профилактика-лул давуртту «буруччаву» («Защита» т1исса.

Ми давурттал мурад бия - нитти-буттал ва закон-далин бусса вакилтурал, кулпатирттавусса цаймин-нал балугъравун къабивсса оьрч1ал чулухуннай пре-ступлениертту дан къаби-таву.

Мукунна давуртту дул-лай, полициялул зузалт бивссар балугъравун бия-нинсса оьрч1ру бат1айсса кланттурдайн. Мукунна кланттурду хьанай бур маша байсса ва оьрч1ал цала оьннасса ч1ун гьан дайсса кланттурду.

МВД-лул Лакрал от-делданул балугъравун къабивминналсса байсса бут1лул инспектортурал цайми къуллугьирттай зу-зиминнашал, профилакти-ка дайсса органнал вакил-турашал ххалбигьавуртту дурссар балугъравун къа-бивми ва мукунминнал нину-ппу яхьанахъисса кланттурдай. Мукун-са кланттурду, кулпатру бивхьун буссар отделда-ний профилактикалул учётрай. Мукунна ххал-бивгьуссар къажимшиву дуллалиминнал (опекун0 кулпатру, ятинсса оьрч1ру ва инвалидсса оьрч1ру бусса кулпатругу. Бивсса кланттурдай полициялул зузалтрал ихтилатру бивс-сар балугъравун къабивс-са оьрч1ашал ва миннал вакилтурашал. Бувсуссар миннахь, балугъравун къабивминнал чулухун-



най закондалуцун къа-даркбусса давуртту ва преступлениертту дарча, цукунсса административ-ный ва уголовный жава-блвшин ккаккан дурну дуссарив.

Мукунна давуртту дул-лай, полициялул зузал-трал ихтилатру буллалис-сар дуклаки оьрч1ашал, ми бат1айсса кланттур-дай. Балугъравун къабив-миннал к1ул бувссар оьр-ч1ансса вихшалдарал телефондалул номер 8 - 800-2000-122. Миннан к1ул бувссар мукунна ба-лугъравун къабивминнал низам зия дуллан къаби-тайсса, ми ялув бацлан-ми бакъа къабабитайсса учреждениерттал зузал-трал телефоннал номерду. Оьрмулугу гьарцаннан хьунадакъайсса зах1мат-сса тагьар х1асул хьусса ч1умал, ми номердайн оьвчирча, балугъравун къабивминнан гьарзат бувч1ин бант1иссар ва ку-маг бант1иссар.

Оьрч1ан ва нитти-бут-тан дак1нийн бутлай бур, 2009 шинал апрельданул 28-ний къамул дурсса РФ-лул №71-ФЗ закондалул ва 2009 шинал ноябрьда-нул 18-ний къамул дурсса Дагъусттан Республикалул №69 закондалул т1алав-шиннайн буну, хьхьунил ппурттуву (ссят 22.00-ния 06.00 хьуннин) оьрч1ан к1ич1ирттаву, инсантал бусса кланттурдайн нину-ппу ягу закондалин бивсса вакилтал арх1ал бакъа бу-клан къадагъа дирхьун ду-шиву ва му ч1умал миннал оьрмкулун ва ц1уллушив-рун нигьач1аву дик1айши-ву.

К.М.Макъсудова,
МВД-лул Лакрал МО-
рал ПДН-далул
инспектор.

Баян баву

Дахлай бур Гъумучиял шяраваллил дянивсса мах1алайисса, 2 зивулийсса къатри. Къатрал багъа 600 000 къуруш. Багълуй бакьинну. Ц1уххин буюхайссар телефондалул ва номер-даний оьвкуну: 8 989 665 76 44.

Учредитель:
Администрация
МР «Лакский район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 682 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

Лагерь - Гъумучиял школалийгу

Июньдалул 20-ний шадлугърал тагъарданилу Гъумучиял школалий тивтунни оьрчлру дяхтта бигъалаглансса гъинтнил лагерь.



Спорт

К1ива бьаст-ччалливу призру ларсунни

Июньдалул 11-ний Гъуниннал райондалийсса Гъулудиял шяраву (Гонода) хъунни гъарца шинал байсса лачлун буккавил республикалул бьаст-ччал.

Му тикку бай цала шяраватусса спортрал мастер М.М. Ах1мадхановлул х1урматран.

Му бьаст-ччалливу лачлун уклай, арцулмур призран лайкь хъуну, клилчинмур клану бувгъунни Гъумучиял школалий 5-мур классраву дуклакисса Сулайман Аюбовлул.

Июньдалул 15-ний т1урча мува дуклаки оьрч1 гьуртту хъунни Кизляр шагърулийсса, СВО-луву гьуртту хъанай жанну харж дурминнан хас бувсса республикалул бьаст-ччаллаву. Му бьаст-ччалливу С.Аюбовлул бувгъунни лайкьсса клилчинмур клану.

Чаучинну Сулайманнун гихунмайгу личли-личлисса бьаст-ччаллаву гьуртту хъанай, хъхьичлунсса клантурду бугълансса каша!



Му тит1авришчал оьрч1ру барча бан школалий бувк1ун бия райондалул бак1инал заместитель Явсупа Х1амзаев, УО-рал начальник Тамирлан Мах1аммадов, учительтал, дуклаки оьрч1ру.

Ва лагерь хъанай бур 60

оьрч1 21 гъантлий игъалагансса. Сакин дурну дур мунинсса шарт1ру.

Шиккун занан т1иц бур Гъумучиял, Шавк1уллал, Хьурттал шяраваллал оьрч1ру.

Тарбиячитурал пикри бур лагерьдайсса оьрч1ан буюхъайсса ххуйсса тарбия дулунсса, аякьа дансса, ми гъарца чулуха итххяххансса давуртту дуллансса, патриотизм, зирангшиву чант1 чин дансса ва м.ц.

Лагерь тит1аврий ккаккан дунни оьрч1ал х1адур дурсса концертрал программа, увкунни балайрду, дунни кьавт1авуртту. (Жул корр.)